

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 51 0 K 148976 25 Kžk
Novi Travnik, 28.05.2025. godine

U IME FEDERACIJE BOSNE I HERCEGOVINE !

Kantonalni sud u Novom Travniku u vijeću sastavljenom od sudija Kokić Edvina kao predsjednika vijeća, te Porić Lazarele i Avdić Darmina, kao članova vijeća, uz sudjelovanje zapisničara Kolak Lidije, u krivičnom postupku protiv optuženog Z. H., zbog krivičnog djela „Teška krađa“ iz člana 287. stav 1. tačka a) Krivičnog zakona Federacije Bosne i Hercegovine („Službene novine FBiH“, broj 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17), po optužnici Kantonalnog tužilaštva Travnik broj: T06 0 KT 0023265 18 od 17.12.2018. godine, nakon usmenog i javnog pretresa pred apelacionim vijećem održanog u prisustvu optuženog Z. H. i njegovog branitelja Ferizović Bekira advokata iz Travnika, kao i kantonalnog tužitelja Ulemić Azera, donio je i bez prisustva stranaka i branitelja, dana 28.05.2025. godine, javno objavio sljedeću:

PRESUDU

Optuženi: Z. H., sa ostalim podacima kao u spisu,

KRIV JE

što je:

dana 21/22.02.2018. godine, u noćnim satima, u Novom Travniku, u namjeri sticanja protupravne imovinske koristi, došao do sportske kladionice „M“ d.o.o. Mostar, koja se nalazi u ulici K. T., u neposrednoj blizini zgrade općine, potom uz pomoć podesnog predmeta, nasilno otvorio ulazna vrata sportske kladionice, ušao u unutrašnjost, odakle je oduzeo i prisvojio 6 visećih TV plazmi marke „LG“, u vrijednosti od 3,900.00 KM i 100 KM, u kovanicama u apoenima od 1 KM, 2 KM i 5 KM,

čime je počinio krivično djelo „Teška krađa“ iz člana 287. stav 1. tačka a) Krivičnog zakona Federacije BiH,

pa ga sud na temelju citirane zakonske odredbe, uz primjenu odredbi članova 42., 43., 49. stav 1. i 2. Krivičnog zakona Federacije BiH,

OSUĐUJE

na kaznu zatvora u trajanju od 2 (dvije) godine.

Temeljem člana 212. stav 4. Zakona o krivičnom postupku Federacije BiH, oštećena sportska kladionica „M“ d.o.o. Mostar, sa imovinskopravnim zahtjevom u cijelosti se upućuje na parnični postupak.

Temeljem člana 202. stav 4. Zakona o krivičnom postupku Federacije BiH optuženi se u cijelosti oslobađa dužnosti da naknadi troškove krivičnog postupka.

Zapisničar
Kolac Lidija

Predsjednik vijeća
Kokić Edvin